

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ŽEPČU
Broj: 44 0 Pr 041649 25 Zm
Žepče, 23.01.2025.godine

Općinski sud u Žepču, sudac Dragica Dragičević, odlučujući po zahtjevu za izricanje zaštitnih mjera udaljenje iz kuće stana ili drugog stambenog objekta i zabrana vraćanja u kuću, stan ili drugi stambeni prostor, zabrana približavanja žrtvi nasilja i zabrana uznemiravanja uhođenja osobe izložene nasilju, podnesenog od PU Žepče broj 08-02-13/1-03-2-202/25 od 23.01.2025.godine, na osnovu čl. 11., 12. 13. i 15. i čl.20. st.2. Zakona o zaštiti od nasilja u porodici, donio je sljedeće:

R J E Š E N J E

Osobi prijavljenoj za nasilje **H.Ž.** sin **A.** rođen ...godine, nastanjen u mjestu ..., općina **Ž.**, JMBG:... izriču se mjere

I

- 1. obavezno liječenje od ovisnosti alkohola i drugih omamljujućih supstanci**
- 2. udaljenje iz stana, kuće ili nekog drugog stambenog prostora, zabrana vraćanja u stan, kuću** vlasništvo **A.Ž.**, koja se nalazi u mjestu ..., općina **Ž.**
- 3. zabrana približavanja žrtvi nasilja** **A.Ž.** i **M.Ž.** na udaljenosti od 100 (sto) metara
- 4. zabrana uznemiravanja i uhođenja osobe izložene nasilju** **A.Ž.** i **M.Ž.**

II

Mjera iz točke I 1. ovog rješenja, provodit će se u JZU Zavod za bolesti ovisnosti Ze-do kantona u trajanju od 6 mjeseci, te će prijavljeni počinitelj nasilja biti sproveden u naznačenu ustanovu po sudskoj policiji Ze-do kantona, a nakon pregleda i očitovanja psihijatra ove ustanove prijavljeni se ima podvrgnuti stacionarnom ili ambulantom liječenju.

III

Mjere iz točke **I** ovog rješenja određuju se u trajanju od 6 (šest) mjeseci od dana donošenja rješenja.

Mjere se izriču zbog fizičkog i verbalnog napada na žrtvu nasilja

IV

Zaštitnu mjeru obavezno liječenje od ovisnosti će provesti JZU iz točke II ovog rješenja, ili ambulanta Žepče, dok će mjere pod točkom 2., 3. i 4. iz točke I ovog rješenja provoditi PU Žepče, koji su dužni sud mjesečno obavještavati pismeno o provođenju mjere a u slučaju nepostupanja po mjerama od strane **H.Ž.**, obavijestit će sud odmah.

Žalba ne odlaže izvršenje zaštitnih mjera.

O b r a z l o ž e n j e

Policijska uprava Žepče je podnijela zahtjev za izricanje zaštitnih mjera udaljenje iz stana, zabrane približavanja žrtvi nasilja i zabrana uznemiravanja, uhođenja osobe izložene nasilju i to u zahtjevu broj broj 08-02-13/1-03-2-202/25 od 23.01.2025.godine, obzirom da se dana 22.01.2025. godine dežurnoj službi PS Žepče obratio se otac prijavljenog i istakao da dugi niz godina trpi fizičko i verbalno nasilje od svoga sina H.Ž..

Nadalje u zahtjevu je navedeno da je počinio nasilje u porodici iz čl. 7. st.1. t.1. 2. 3. i 4.. te je predloženo da se izreknu zaštitne mjere navedene u točki I točka 2. 3. i 4. ovog rješenja.

Žrtva nasilja A.Ž. u svojoj izjavi naveo je : “ *Ja i moja supruga imamo još troje zajedničke djece od čega je dvoje (...) ne žive sa nama.*

Ja sam invalid druge kategorije, (...) i nezaposlen sam.

Moj sin H.Ž. je od djetinjstva problematičan i nekada kada je bio 5. ili 6. razred OŠ bio je u (...) na dječjoj klinici na neuropsihijatriji, gdje se liječio oko mjesec dana. Zadnjih pola godine moj sin H.Ž. je opet počeo da pravi probleme u porodici na način da mi prijeti, da će da zapali kuću, dolazi kući u pijanom stanju a ranije je koristio i opojnu drogu koju mu je policija pronalazila.

Moj sin H.Ž. se liječio i u (...) na odjelu psihijatrije, krajem (...) godine i početkom (...) godine, gdje je testiran i na opojne droge, a test je pokazao pozitivne rezultate na sve droge. Nekada u prethodnom periodu me je i fizički napadao sin H.Ž., pokušavao me zadaviti, ujeo me za uho, imao sam povrede ali tada nisam prijavljivao ništa. Također mi je sinoć prijetio da će me ubiti, ja od svog sina H.Ž. osjećam strah za sebe i za svoju porodicu iz razloga što je dvolična osoba, umišlja si svašta, i iz tog straha želim da se moj sin H.Ž. udalji iz moje kuće na određeno vrijeme ili da ide negdje na liječenje, da bi ja i moja porodica bili sigurni. ”

Izvršen je uvid u predložene materijalne dokaze:

-zapisnik o saslušanju svjedoka broj 08-02-13/1-44/25 kojim je utvrđeno da je prijavljeni sin žrtve nasilja te da često dolazi kući u pijanom stanju, koristi opojnu drogu te da je bilo momenta kada ga je fizički napadao, pokušavajući ga zadaviti, ujeo ga za uho a kritičnog dana i to 22.01.2025.godine, uputio prijetnje da će ga ubiti zbog čega osjeća strah, kako za sebe tako i za cijelu porodicu. Izrazio je želju da se njegov sin liječi i udalji iz doma.

-zapisnik o prijemu usmene prijave broj 08-02-13/1-44/25 kojim je utvrđeno identično ali sa šturijim objašnjava nasilno ponašanje prijavljenog.

-zapisnik o ispitivanju osumnjičenog broj 08-02-13/1-46/25 kojim je utvrđeno da prijavljeni negira izvršenje nasilja na način da navodi da je i otac i majka bili na jednoj strani sprječavajući ga da izađe iz kuće, kada je imao namjeru otići do djevojke.

-zapisnik o konsultaciji sa socijalnim radnikom kojim je utvrđeno da se postigao sporazum da se prijavljenom izreknu zaštitne mjere udaljenje iz kuće stana ili drugog stambenog objekta i zabrana vraćanja u kuću, stan ili drugi stambeni prostor, zabrana približavanja žrtvi nasilja i zabrana uznemiravanja uhođenja osobe izložene nasilju, dakle niti centar a niti policija nisu predložili izricanje zaštitne mjere obaveznog liječenja od ovisnosti, pa kako je sud našao opravdanim izreći i ovu mjeru primjenom čl.20 Zakona o zaštiti od nasilja u porodici izrekao je zaštitnu mjeru obaveznog liječenja od ovisnosti od alkohola i drugih omamljujućih supstanci.

-alkotest na ime H.Ž. kojim je utvrđeno da je koncentracija alkohola na dan 23.01.2025.godine iznosila 0,39 g/kg

Cijeneći svaki dokaz pojedinačno i u međusobnoj vezi sud zaključuje da je prijavljeni počinitelj svoju obitelj i to oca i majku fizički i verbalno napadao što sud smatra ozbiljnom prijetnjom po miran i spokojan život roditelja.

Zbog svega izloženog izrečene su zaštitne mjera kao u dispozitivu shodno čl. 9. st.1. t.1.) 2). 3). i 5.) Zakona o zaštiti od nasilja u porodici.

Dužina trajanja zaštitne mjere određena je kao vrijeme potrebno da se počinitelj izliječi od bolesti ovisnosti.

Svrha izricanja zaštitnih mjera je prevencija ponavljanja bilo kakvog oblika nasilja, kao i da se prijavljeni počinitelj neće se smatrati kažnjavanom osobom.

Ključna okolnost za izricanje zaštitnih mjera je uvjerenje suda o postojanju opasnosti od ponavljanja nasilja.

Za pripremanje, planiranje i provedbu zaštitne mjere nadležna je JZU Zavod za bolesti ovisnosti Ze-do kantona i Policijska uprava na području žrtve nasilja u porodici, shodno izreci ovog rješenja i Pravilniku o načinu provedbe zaštitnih mjera koje su u nadležnosti policije (Službene novine F BiH broj:9/06)

Sudac
Dragica Dragičević

Pouka o pravnom lijeku: Protiv ovog rješenja može se izjaviti žalba Kantonalnom sudu u Zenici u roku od 5 dana od dana prijema rješenja. Žalba se podnosi u tri primjerka, a putem ovog suda.